

KUMPUNAN
KHAWTLANG NUN
SIAMTHAT

YMA AW



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.30 31st July 2011

ZCC HMALAKNAIN HRUAITUTE INTIHLIMNA NEIH A NI

Branch News

Chanmari West, July 31:

Ni 23.7.2011 (Inrinni) khan Zofa Cultural Club hmalaknain Assam Rifles Lammual-ah Chanmari West vengchhunga pawl hrang hrang hruaitu heng ZCC, Section YMA leh Sporting Club Sub-Committee hruaituten Football hmangin intihtmlimna an nei a ni.

He hunah hian hruaitu hrang hrangte an kal tha hle a, hruaitu kalkhawm te hian ` 3200/- thawkhawmin heng pawisa tlingkhawmte hi lawmman atan leh ei leh in lei nan hmanral nghal a ni. He intihtmlimna Football One Day Tournament hi hruaitu kalkhawm ten zawngchhangthlak an tiin an hlim hle a, match 7 khelh a ni a, hruaitu hrang hrang Taitesena, Khuangchera, Neuva, Chawngbawla, Vanapa Section, Football leh Volleyball Sub-Committee te an inkhel kual a ni. Semi-Final ah hian Vanapa Section, Neuva

Section, Football Sub-Committee leh Zofa Cultural Club te an lut a. Football Sub-Committee leh Neuva Section YMA hruaituten Final hi thleng chhovin Neuva Section hi 2-0 a chakin an champion ta a ni.

He hun hlu tak mai hlawhtlinna tura hruaitu thawkhawm zawng zawngte chungah leh Branch YMA hruaitu tawiawm tute chungah Zofa Cultural Club chuan lawmthu a sawiin hruaitute inpumkhatna tha tak kan neih theih nana hmang chhonzawm zel turin hruaitu zawng zawngte duhsakna a hlan a ni.

Karleh Ni 2.8.2011(Thawhle) zan khian Branch Executive Committee koh tur a ni a, member te hun lo in siam lawk turin kan in hriattir e.

Ni 24.7.2011(Sunday) chawhma inkhawm lai khan kan thlanmual Chowkider te In chu mi sualin an tala vawchhia in Gas bur an ruk sak.

Ni 28.7.2011 zan khan YMA Park-ah Kumpuan Sub-Committee leh Park Sub-Committee te duty a ni a, zan dangah pawh a tul anga duty chhoh zel tum a ni.

Zawlbuk sak hna thawh chhonzawm zel a ni a, a tul angin hnatlang koh leh tum a ni bawh.

Champion Team (Neuva Section)



PEM LEHKHA

Pem Lehkha hi vengchhunga In luah tur nei te leh Section danga pemchhuak ten kan ngaih pawimawh dan a inchen lo hle mai a. Hei hi veng mipuiten ngai pawimawh thar leh theuh ila tih CWBYMA chuan a duh tak meuh meuh a ni. Inluah tur nei ten kan inluah turte Pem Lehkha an nei felfai em, khua leh tui dik an ni em tih leh enganga khawsa thin nge an nih tih fianfiah hmasa theuh ila, kan khawtlang a lo nawma a lo thianghlim zawk nan In luah turte lakah i fimkhourin tan i la thar leh theuh ang u.

Vengchhung a chhiat kan tawh dan (w.e.f July 2011)

Mitthi Zat :- 21

Mipa :- 12

Hmeichhia :- 11

Section hrang hrang :

T-7, V-1, K-7, N-2 leh CH-4 an ni.



TUN KAR CHANGVAWN

Aw, a mi thianghlimte u, LALPA chu tih rawh u; Amah tihtute tan chuan tlakchhamna rêng rêng a awm si lo.

Sam 34:9

Runner Up (Football Sub-Committee)



Editorial Board

Editor

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkuma
9862303135

Pu Vanlalhluta

9862366308

Tv. Vanlalfawna

9856301975

Cir. Manager

Johny Lalthanpuia
9612359161

Jacob Lalrinsanga

9612319779

Production

Manager

R.Lalmachhuana

9436151817

Branch Office Bearer

President

T.Ngurkhuma
9436190843

Vice President

R.Lalmachhuana
9436151817

Secretary

RL.Thanhnuna
9436152760

Asst. Secretary

K.Darthanthuanga
9436196071

Treasurer

C.Lalzarliana
9436142049

Fin.Secretary

Lalthuamluaia
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlina kha hlen rawh. II Tim 4:5

Editorial : Issue engemawzat han paltlang takah chuan thuziak/article lamah kan baihvai tan thei thin hle mai. Mi thenkhat inpekna a zarah kan la kawt em lo chu a nia. Thuziak hi a pawimawh a, thuziak vangin chanchintha a hrilh theih a, thuziak vangin indona leh remna a thlengin a siam theih a, thuziak vangin vekin helna (revolution) a thleng thei a, thuziak vangin khawtlang kalphung a inher danglam thei a, thuziak hmangin khawtlang hi tuhnuaiyah a dah theih a, thuziak vangin mim ang piang hmun lo pawh runhmunah a len theih in tarkun khup bihin a awm theih bawk a ni. Tirhkoh Paula pawh khan thuziak pawimawh zia hi hriain Rom khua, Korinth, Galatia, etc. amite biakpawh nan pawh khan thuziak a hmang a, Rinnaa a fa Timothea biakpawh nan pawh khan thuziak tho a hmang anih kha. Khang a thuziakte kha awm ta lo sela kan Bible pawh hi a khangbai fu lo'ng maw? Thi thei lo, boral thei lo, englai pawha mite thinlunga hna thawk thei chu thuziak hi a ni. Eng kawng pawh ni rawhse kumpuan lam hawi a ni emaw, khawtlang hmasawna emaw a enga pawh nise kan vei zawng apiangah tan ila thar leh theuh ang u.

Article : CHEMKAWM TECHNOLOGY TO INFORMATION TECHNOLOGY

Kan pi pu te Chemkawm Technolgy hun laia an khawsak dan chu a mawl mang hle. Nitin eizawnaah tihrawl ngahin kawngro a su thui viau mai. Chemkawm Technology-ah chuan an thluak tha ber leh a awmchhun chu a hmangtupa kha a ni mai a. A hmanrua Chemkawmin thluak dang a neih ve loh avangin a khalhtupa tha chak leh chak loh a zirin hna a thawk hlawkin a thawk hlawk lo thin. Tin, a thlo chhuaktu taimak leh taimak lohah chu Technology hlawhtlinna chu a inngat thei bawk. Amaherawhchu, Mizo History kan chhiar chuan heng hun lai hian buh kham thar lo emaw, chawkhawn emaw pawh sawi tur an awm bar lo nia. Hmeithai, dam lo leh thawkmawh deuh te an awm pawhin an khai chhuak zel a nih kha. An Lal hnena chhiah (fathang) sang tak an chung chung pawhin an intodelh thei.

Pi leh pu te kha an intodelh mai a ni lo a, kum 1880 - 1890 chho vel pawh khan State dangah thil an lo thawnchhuak (export) daih tawh mai a. Hmarcha, hriak, chhawhchhi leh la te pawh an lo tawh thla ve nual tawh. Chumai a ni lo, thelret lama sum dawna pawh an lo tui-pui hma viau bawk. Chapchar Kut an hman dan te kan hria a, chung tin an hlimin an inbuatsaih nasa hle thin a, an inhau phal ngai lo. An hlimna chuan midang te a tibuai lo va, ni sarhi lai te an kut thin an tih chu. Kut-ah hian Zu lek lam viau mah se la, rui buai an awm ngai lo va, nula laka mawi lo deuha che an awm ngai lo. Inthunna a tha hle a nih a rinawm.

Hun a lo kal zel a. Kum 1894-ah Kristianna Zoramah a lo lut tan a, nunphung leh sakhua a sawi danglam. Lal lalna 1954 chhovah a lo tawp ta. Khawvel hmasawnnain min rawn chim ve zelin, sum leh pai hlutna alo lang tial a. Tin, Sawrkar inrelbawl dan chenin a danglam. Media hrang hrangin kan beng leh in a thleng a, kan thum-rawn tluk tluk chu a ni ber. Sipai ngaihsan lai hun a awm a, Driver-ho Luck hun a awm. U.T sum thiliththeihna leh corruption lama harhtharna te. Thlarauthianghlim harhna leh khawihthluk rawngbawlina te. Computer age, Information technology thlengin.

Chemkawm Technology leh Information Technology inkarah hian hun pui tam tak a inher chhuak, sawi vek sen a ni lo vang. Chungte chuan kan ni tin eizawna, sakhua, hnam dan, thu leh hla, khawtlang inrelbawlina leh nitin nunphung chu namen lo in min sawi danglam sak a. Hun thara kan chuankai apiang chuan luang thli chhem nghin ang maiin kan thle dual dual a nih ber kha. Mifing leh taima te chuan heng hun hi an dinchhuahpui. Chutih rual chuan thil tha lo thenkhat - eiruk te, zu leh drug tih chakna te, lirthei lama intlansiakna te, hmeichhiat-mipatna hman khawloh te, kut tling lo va in leh lo din duhna te a hring a, thachhia kan pung a, mi engemaw zat chuan an chhiatpui hman nghe nge.

Tunah hian I.T khawvelah kan cheng mek a ni. Mahni in lumah remote control humin duh duh kan hmet chhuak thei ta. Khawvel leh lama chengte en rualin mit kan lo titlai thei. Internet hmangin duh duh kan en kual thei. Sumdawng

Company hrang rang an lo lut a, cellphone changkang ber ber hmangin kan 'Helo' puam telh telh ta mai. Incheina lamah lah a chhuakthar ber ber kan inbel thei. Thilthar lawm ta reng reng, intihmuhching, mi neih ang neih ve chak hnam kan ni a, in leh lo-ah leh thilneih (assets) thatah thlengin kan intlansiak mek a, thil thar a lo chhuak zel ang a, kan la um zel bawk ang. Hei hi khawvel kalphung a ni miau a.

Heng hmasawna leh changkanna lo lut te hi a tir lamah kan hmang thiam lo deuh zel a. A rei deuh hnuin kan ziaawm thin. Mak deuh mai chu, tun kum hnih/khat lek chung hian heng hmasawna thlipui ang maia lo luang lut hi hmachhawn dan thiam Thalaite emaw zat an awm tlat mai hi a ni. Changkanna leh hmasawna chu intodelhna hmanga lo dawnsawn chi a ni tih hria kan thahnem sawt khawp mai. Scientist ropui Charles Darwin-a theory, 'Survival of the Fittest' tih kha Mizo zingah a taka hman duhna lo lian ta hi eng vang tak ni ang maw. Fit lo leh thachhe deuh chu kan dam khawchhuak zo lo telh telh chu a nih mek hi. Information Technology in a ken changkanna hrang hrang hian Mizote rualawhnaah min siam a, mi neih ang neih ve loh hlauin mahni nitin hna bak thawh belh tur zawngin taimak kawng kan inzawh siak ta anih ber awm hi. Thalai te mut hun leh thawh hun hre lo ang maia kan ngai hi a dik na chen awm mah se, mi tam tak chu hna tul vanga meng rei, zinga tho tlai; zana mu hma, zinga hma tak taka chhuak te an ni tih kan hre tel bawk tur a ni ang.

Mi in chenna in a mamawh a, ei tur a mamawh. Television a duh a, Computer neih a ngai, cellphone pawh. Lirthei tel lovin khawsak na chi a ni tawh hek lo. Heng zawng zawng hi aman pek ngai vek a ni a, mi pangngai ni ve tur chuan thawh tur hre lova khawsak nilen chi a ni lo tih kan hre ta. Nu leh pa te thawhchhuaha lo in lak raza ching erawh tlemte kan la awm. Hengte avang hian mi dawrte-a nileng lenga thut zahthlakzia te, zu lo ruih nilen ve ngawt aththlakzia te, ennam chhuahna hmun pianga tel ve theih nih nuihaththlakzia te kan hre thar. Hman deuh kha chuan cushion dup nuam taka mut paha chhun laia T.V en theih nih kha

(phel 4-na ab chhunzawm a ni)

KHUANGCHERA

☞ An member Tv.Ramtharnghaka S/o H.Laltanpuia chuan Ni 28.7.2011 khan kawppui duhawm tak nei a 'Pu' a ni ta chu an lawmpui hle.

☞ Pu Lalrammawia Khiangte in no leina tur ` 500/- a pe chu a chungah an lawm hle.

☞ Ni 23.7.2011 a section hruaitu ZCC leh Volleyball leh Football Sub-Committee te nena A.R.Lammual-a intihhlimna neiha Section hruaitu thawkchhuak zawng zawng chungah lawmthu an sawi. He huna inkhel ten nuam an ti hle a, vanduaithlak taka ZCC an hneh lo erawh paw an tiin khelh nawn leh an chak hle.

☞ Pi Tanthangi W/o Lalchhuanawma Damdawiin a awm mek chu a dam leh thuai an duhsak.

☞ An Asst.Leader Pu H.Laltanpuia te chuan a mo neiha a a tul ang apiang buaipuitu Section hruaitu te hnenah leh thenawm khawveng nu leh pa te chungah lawmthu an sawi takzet.

TAITESENA

☞ Nimin Inrinni nileng khan thutthleng siamtha a hnatlang neiha ni.

☞ Kar kalta Inrinni khan Lammual ah hruaituten football an khel a, he hun hmanga kal hruaitute an hlim hle.

☞ An hruaitu Pu Lalchhuanliana chu chhungkaw thilah Biate lamah a thang mek a, damtaka a lo haw leh thuai an beisei.

☞ Section chhunga In sa mek te kawngpui dunga kan hnathawhna sulhnu felfai tak leh hmuh nuam taka kalsan thin turin an in ngen.

☞ An hruaitu Pu R.K.Malsawmkima dam thalo pawh dam taka pisa a kal leh thei tawh chu an lawmpui hle.

☞ Section chhungah Ui leh Ar thlahdah tak tak kan la awm fo chu changkan loh thlak an tiin an ngaimawh hle.

☞ Chhiatni Fund leh YMA AW kum chanve hnulamah an tifel thei chu an lawm hle a, section chhungtinte hnenah lawmthu an sawi.

☞ Section chhunga In sa mek te Central YMA in ngenna a siam anga Vai mistiri chhawr theuh turin an ngen.

☞ Section YMA in bungrua a neiha te thumthat mek a ni a, engemaw avanga hawh leh hmang thin te dimdawih hram hram turin an ngen.

NEUVA

☞ Ni 23/07/2011 Inrinnia Zofa Cultural Club buatsaih lammuala Football Friendly Tournament ah Sporting Club football Sub-committee hruaitute 2-0 a hneh in hruaitu champion an ni chu an lawm hle a, an players pawimawh Pu H.Vanlaluata inhliam erawh paw an tiin a dam leh thuai an duhsak. Hruaitu inkhelhna a tel te leh tawiaawmtu zawng zawng hnenah lawmthu an sawi baw.

☞ An section chhunga damlo Lalhmachhuana (Maitawka) pum thatloh na avanga Durtlang a enkawl mek, Tc Lalhmingmawia H/o Lalhlmpuii leh Lalduhzuali D/o J.Ngaihzuala (septisemia) Civil Hospital a awm mek te chu an dam leh thuai an duh.

☞ Hun remchang hmasa berah section committee koh tum a ni a, hruaitu te hun remchang lo insiam theuh turin an in ngen.

☞ Motor silna ah Zu zuar an awm tih hriat a ni a, ti tawh lo tura an ngen bakah an ti leh a nih chuan dim an tum lo hle.

VANAPA

☞ TC Lalthanpuia S/o TC Lalremsiama China rama kal pawh a lo haw tawh a, kumin October thla-a World championship a tel tura thlan leh a ni chu an lawmpui hle rualin hlawhtlinna a chan ngei an duhsak.

☞ Ui leh Ar thlahdah kan la awm a, kan ran vulh te khuahkhirh turin an in ngen.

☞ Information & Property Sub-Committee in theitawp chhuah a an section information mike an buaipui avangin lawmthu an sawi takzet.

☞ Section chhungah ruihtheih thil laluh leh zawrh khap tlat a ni a, heng ang ti thin an hria a an man a nih chuan dim an tum lo hle.

CHAWNGBAWLA

☞ Ni 29.7.2011(Zirtawp) zan khan lei laia inhlawhna hnatlang Civil Hospital ah an nei a, hnatlang zawng zawng chungah lawmthu an sawi.

☞ Zofa Cultural Club ten an huaihawt Football khelha hruaitu thawkchhuak zawng zawngte chungah lawmthu an sawi a, Champion nihna chang lo mahse hlimthlak an tiin a lehpek ah chuan nasa lehzuala inbuatsaih an tum ruh hle.

ZCC NEWS

☞ Ni 23.7.2011(Inrinni) a AR Ground-a Section hrang hrang hruaitute leh CWSC Sub-Committee hruaitute nen intih hlimna an nei chu hlimthlak an ti hle a, chakber ni chiah lo mahse leh pek ah chuan champion an tum hle.

☞ Ni 25.7.2011 (Thawhtan) zan khan Pu V.L.Thakima, V-Section te inah committee neiha a ni a, thu pawimawh tak tak an rel.

CWSC NEWS

☞ Sporting Club Executive Committee kar kalta a neiha tum chu rokhawhna avangin thulh a ni a, karleh hun remchangah emaw neiha tum a ni a, hruaitu hunawl lo insiam turin an in ngen nawn leh.

☞ Tunlaiin Indoor Stadium-ah Badminton khel an thahnem thin hle a, inkhel thin te kan hnuhma felfai tak leh hmuh nuam taka kalsan theuh tur leh dimdawih taka Indoor hmang thin turin an ngen.

☞ An hruaitu Pu H.Lalbiakhlua ADFA-a Joint Secretary leh Technical Committee a Secretary a ni chu an lawmpui hle. ADFA Technical Committee ah hian CWSC Asst. Secretary Pu RK.Rozidinga pawh a tel a, veng tana thahnemngai taka an thawh an beisei baw.

Football Sub-Committee:-

☞ Ni 23/07/2011 (Inrinni) a ZCC te huaihawt Football One-day Tournament ah chak ber dawttu nihna an chang chu an lawm hle a, an hlahthlem tak Neuva Section pawh an lawmpui hle.

☞ Ni 28 leh 29.7.11 Zan khan leilaih hnatlang a inhlawhna neiha ni a, inhlawhna siamsaktu Pi Sangkimi te chhungkaw chungah leh hnatlang thawkchhuak te chungah lawmthu an sawi.

☞ 2nd Div. Independence Day Celebration Tournament atan inbuatsaihna kalpui mek a ni.

☞ Naktuk Aug. Ni 1 atang hian 2nd Div. Independence Day Celebration Tournament Ramhlun Sports Complex-ah khel tan a ni dawn a, Dar 2-ah hian kan veng leh Thingsul Tlangnuam an inkhel dawn a, vengchung mipuite tawiaawm theuh turin an ngen.

Volleyball Sub-Committee:-

☞ Sub-Committee in inhlawh nana vengchungah sangha an zawrh tlawmngaia leisak tu zawng zawng chungkaw chungah lawmthu an sawi.

DAN LEH HRAI

(SourceCYMA Webpage)

THE MIZORAM LIQUOR TOTAL PROHIBITION ACT, 1995 (ACT NO. 10 OF 1995)*- H. Lalremruati
Advocate*

The Mizoram Liquor Total Prohibition Act, 1995 hi Mizoram pumpuia hman tura siam a ni a. Amaherawhchu, Autonomous District Council pathum, Chakma, Lai leh Mara te a huam ve lo.

MLTP Act dan hman a nih chiah hian Mizoram ah hian zu hi hralh leh zawrh khap tlat a ni a. Mi tupawhin state pawn atanga ZU lalut emaw Mizoram atanga pe chhuak emaw kaw emaw zuar emaw lei emaw siam emaw leh zu sakna atana hman chi bungrua engpawh kaw chu Sec. 8 (1) MLTP Act ah hian kum 5 thleng lungin tan tir theihna dan a siam a, Rs 1000/- thleng chawi tir theih an ni baw a ni. A hremna hniam ber chu thla thum aia tlem lo a ni a, amaherawhchu, he thla thum hian kum 21 hnuai lam emaw criminal case a la convict ngai loh te chu khawngaihna a lantir theih a ni.

Medical Officer in zu in theihna permit a pek ni si lova zu in chu he dan hnuai hian hrem tur an ni a, 8 (2) MLTP Act ah chuan chutiang mi an awm a nih chuan thla khat thleng lungin tan theihna, a hniam berah darkar 24 aia tlem lo a hrem tur an ni a. Tin, Rs 500/- aia tlem lo ` 1000/- thleng an

(Article chhunzawmna)

changkanna emaw kan ti thin. Mahse, filmstar te hlauh zat, zaithiamte leh inkhel thiamte sum lak loh tamzia kan hriatthiapui tak chinah chuan hman taka T.V en atthlakzia kan hmuchhuak. Thalaite zingah hian Moral reconstruction a awm mek a ni.

Mahni in lumchhuahsanin State pawnah inhlawh tura chhuah kan intihmuh tan a, vai mistiri te hum haw zat sum la let turin state dang sum hmangin chhungte tihnewsak ve kan tan. He lamah hian hmeichhia hlei hlei an huaisen emaw tih tur a ni. Eng hna pawh rinawm taka thawha hlawk a lo ni tih kan hre chho mek a, a sang leh hniam pawh thliar lovin thawh tur awm apiang kan inchuh tan em ni a tih theih. UPSC in exam a buatsaih chi hrang hrang pawh huaisen kan chhuah leh tan a, Central Service lama lut thei turin Exam beitu pawh kan tam chho leh ta niin a lang. Mizo tlangval 'Lumet'a eizawng pawh kan tam ta, hnam dang kutah kan dah phal tawh lo. Graduate, Police constable-a bul tan hreh lo te, Lehkhabu zuara in ak kual te, company hrang hrang hnuai rintlak taka thawk te kan pung. Chapo hi mawlina chi khat a ni tih kan pawm ta em mi ni ang? Training tur awm se - lak sen loh. Technical lamah lah lak sen loh baw. Mutia hna thlengin hna

chawi thei baw a ni.

Tin, Sec. 9 ah chuan Mizoram chhunga Newspaper leh magazine ah te zu fakna chi reng reng a awm tur a ni lo. He dan zawm lo an awm a nih chuan Sec. 10 hmangin hrem tur a ni a, thla ruk thleng lungin tan theihna leh ` 1000/- thleng chawi theihna a ni.

Sec. 24 ah chuan mi tupawh a in emaw a bungrua emaw, hre reng chung a he danin a phal loh ZU awm tir nana hmantirtu chu zu neitu pawh ni lo mah sela hrem theih an ni a, kum 3 thleng lungin tan theihna a ni.

Sec. 55 A ah chuan mi tupawh Excise mi ni kher lo pawhin he dan hnuai man ngaitte chu a man thei a, amaherawhchu, Excise station emaw police station hnai berah emaw an hlan chhawng vat tur a ni.

Mizoramah hian zu hi kan buaipui luai luai mai a, thenkhatin an zuar a, thenkhatin an in a, thenkhatin an do tlat a, chung karah chuan kan hriat reng atana pawimawh chu Mizoram sawrkarin zu khap burna dan a siam a, a zuar leh a in te chu hrem theih an ni tih hriat a tha. Chuvangin, a in thinte pawn in loh hram hram tum a tha a, a zuar te pawn zawrh loh a him ber.

itawmah kan chhuah ta mek. Mizo thlaithar Grape, sawhthing, iskut, sapthei te pawh a hralhna tha awm se zokhuaw lam mi hausakpui tur an va tam em. Zirna lamah lah Quality Education nei turin kan intlansiak nasa na rawh e. Phak lo chung pawhin English Medium ah kan indah a, hlawhtling turin Zoram mipui hi kan intlansiak suau suau chu a ni lawm ni. Mizoramah hian Malsawmna a inphum a, mi taima leh remhria te hai chhuah tura dah a ni.

Khawvela indona hriam ber zinga an sawi chu 'Economic war' a ni. Rethei leh riltam chu a huaisen theih hauh loh. Mahni kea din tumna lama harhtharna in min nuai vel laia harh ve hman lo kan awm a nih chuan kan tu leh a lo la awm turte hian min dem duh mai thei. Nakin lawkah chuan Thingtlangpa, lo leh huan ram nei tha tak tak te hian khawpuia Loan rul tha duh mang lo ho in hi an la neihsak lo ang tih a sawi theih loh. Pa te hausakna chhawm tuma an tun nun thlahdah mek te hian Thingtlang tlangval taima te khawngaihna dilin an LSC hi an la thlengpui mai thei a sin. A ruh no no chhuahna khawvel a ni si a.

Pu Rohmingthanga, Cham Cham Store neitupa chuan kan thingpui in senso min rawn tumsak a, a chungah Ed. Board ten lawmthu kan sawi mawlh mawlh e.

HETAH HIAN SMS LA

>>9774170328<<

Neuva Section kawngzau veng lama zan rei tak taka zu in a bengchheng an awm fo hi kan ning tawh khawp mai, vawikhat na mai a ni tawh lo. Hruaituten tihdan an hre mial lo maw?

879458 _ 13

V-Section-a ruihtheih thil (a sen chi) an in atanga hralh chhuak an awm ni a hriat a ni a, hruaitute hian tihawp dan ngaihtuah teh u.

897468 _ 65

Kan YMA hruaitu tha tak tak te hi mahni intihlima, programme hmang reng lo hian kan member rinawm tak tak te pawh hi ngaihtuah ve ila, inti chak thar zel ang u hmiang.

977497 _ 66

Kan Local Council te hian YMA AW ah hian gas sem hun tur tarlang thei thin se a lawmawm hle ang.

961231 _ 79

Hruaitute ringawt intihlim lo hian memberte pualin Section wise sport buatsaih ve tawh se member ten kan duh khawp mai..

908975 _ 29

Ui leh Ar chhuah thin ho hian in ran te hi chhuah tawh lo hram ula kan va ti ve. Khawlai an ti tawp thin si a, thuneitute hian khap thei hram se kan va ti ve.

879457 _ 30**(SMS kan dawn te hi Ed. Bd ngaihdan a ni vek kher lo)****CHHAR**

Helmet chhar a ni a, a ti bo chuan a awmdan Chiangtaka sawiin Jo Jo Restaurant Chanmari West ah lam tur a ni e.

Budget Session

Mizoram State Assembly Budget Session chu Ni 28.7.2011 (Zirtawp) khan neih zawh a ni a, he session-a rorel langsar thenkhat te :-

* MLA te hlauh leh hamthatna an dawn thin tihpunna bill pali pass ni.

* Budget pumpui cheng vaibelchhe 4216.09 niin sorkar hnathawk hlawah vaibelchhe 1447.72 (34.33%) leh pension hlauh atan vaibelchhe 270 dah a ni baw.

* Hmasawmna hnathawhna tur atan a sum dah - Major Works atan 10.58% leh minor works atan 5.13% dah a ni.

* Chhiah chi hrang hrang tihsan leh lak belh tur niin mipui atanga chhiah tlingkhawm tur beisei zat chu cheng nuai 3748.29 lai a ni.